

Quelle: VLA, Urk. 8519

25.5.1555

Ich Bernhart Schutzer zu Thorenpyren, Im Oberdorf Gesessen, Bekhenn, offennlich unnd thun khundt aller Menigclich miz disem offenn brieffe, für mich unnd all mein Erben, unnd nachkhommen thun auch Sollichs von mein des besten nutz und frumen Wegen ains auffrechten Sättenen Ewigen khauffs Recht und redlich zu kauffen geben hab, gib auch also zu khauffenIn aller bester form maus und gestallt wie das nach Sazung unnd ordnung aller Recht unnd gewonhait, vor allen Lewten unnd gerichtten Gaistlichen unnd Weltlichen beschechen sol und mag wissentlich In Crafft din Brieffs Dem Erbarn, unnd beschaidnen Connraten Eggken. Bürger zu bregentz, Allen seinen Erben unnd Nachkomen Namlich fünf pfundt pfennig guter und genemer ditz Landts, Werung Rechts Järlichs unnd ewigs Zins unnd gelts Unnd mit Ain Hundert pfundt pfennig Gedachter werung Hoptguts dero ich dan von Ime Samenthaft also bar gerwert unnd bezallt bin deshalb ich unnd meine Erben gedachtem Connraten Eggken, allen seinen Erben und Nachkomen zu Rechtem unverschaidenlichen unnderpfandnt eingesezt unnd verschriben Hab mein Aigen Wingarten, genannt der schmidberg mit Sampt den Höwboden darumb, gelegen In schattow Stosst des ersten obna an Cristan gesennsuns Erben, zum anndern an die gemaind unnd an Hanns Martin von Empß, zum dritten wider an die gemaind und an die Huß Hofstat an den alltten Kher, unnd zum vierten An Clauß Üllin unnd ann Hanns Martin von Empß Sollich Hier Inn begriffen unnderpfandnt und weingarten soll mit aller seiner Recht unnd gerechtighait Aigenschafft, unnd Zugehört, Unnd Namlich mit allen seinen Rechten unnd Zugehör= ungen, davon gannz nichts außgenomenn noch Hindan gesezt des Bestimpten Connraten Eggken, seinen erben unnd nachkomen unnd allen Khünftig Inhaber ditz Briefs Recht behaft unnderpfandnt Haissen unnd sein für frey ledig und Los, Unnd Sunst vor Menigclich gannz unverkhümbert In Alweg Also söllend unnd wellend ich und all mein Erben, und alle so diese Hier Inn begriffen unnderpfandnten füro Hin Inhaben, dem gadachten Connraten Eggken, ald seinen Erben die obgeschriben, fünf pfundt pfennig ewigs Zinß Hinfüro Järlich Auch yedes Jars allain unnd besunder allwegen Auf Sannt martins des Hailligen Bischoffs tag, Auser unnd ab gedachtem unnderpfandntenn, Richten, geben, werenn, unnd Antwurten zu Irenn sichern Hannden unnd gewalte geen Bregentz In Iren Haus für aller Menigclichs verpitten, niederlegen, unnd entwerren aller gaistlicher unnd weltlicher Leuten, unnd gerichtten unnd Namlich unnd Gemainlich für all annder Infall unnd Irung, Sonnders unnd genetzlich one allen Irenn abgannng Costenn unnd schadenn, Unnd Wann ich unnd mein erben Hier Inn Sümig wurden, unnd disenn Zins nit geben, Inn all weis unnd Maus wie oblaut So sind unnd Haissennd Diese Hier Inn begriffen unnderpfandnt mit aller Zugehörd Zinß fellig, unnd zu Rechtem ewigen aigen gefallen unnd verfallen dem gedachten Connraten Eggken, unnd allen seinen Erbenn, Also das sy es fürohin Ewigclich söllennnd unnd mögend In Haben buwen, nutzen, niesen, versezen unnd verkauffen unnd damit schaffen Handeln thun unnd Lassen als mit annder Iren aigen gut one mein unnd meiner erben noch menigklichs vonn unsern wegen sumen noch Irenn mit noch one gericht Gaistlichen noch Weltlichen in kain Weiß noch Weg Unnd hier auf Sollennd unnd wellend ich und all meine Erben dissen Zins woll wider ab mügen kauffen unnd lösen, gar oder den drytten taill zu mall Hinfüro welches Jars wir wellendüber kurtz oder Lanne Zeit, Doch alweg mit dem Hoptgut, Darumb er Erkaufft ist und mit den erloffnen und unbezalltten Zinsen unnd alwegen uff sannt Martini Auch mit sampt allen Costen unnd schaden So daruff geloffenn were unnd mit obbemeltter Muntz und werung Item es ist auch angedingt worden, so ich oder meine Erben, Die ersten Lossung thun wellen so sollend und wellend ich oder Meine erben die ersten lossung geben und bezallen viertzig pfundt pfennig, und darnach diese baid lossungen alwegen dreyssig pfundt pfennig zu mall doch all weg wann es mir und meinen erben müegenlich ist Unnd Ime dem obgedachten Connraten Eggken, oder seinen erben alwegen ain monat frysthen vorhin verkünden wan ich oder meine erben Ain lossung thun wellen, Unnd des alles zu warem vestem urkhundt unnd gutter sicherhaiten

So Han ich obgenannter, Bernhart schutzer mit velais unnd Ernst gepetenn und Erpetenn, Den Ersamen unnd
weissen Conratten albrich
an der Zeit Ainer, genedigenn Herrschaft von Österreich, irer Amman zu Thorenbüren das er sein Aigen Insigel
offennlich Hatt gehenckt
An dissen brieff für mich und all meine Erben, Doch Herrschaft lme und seinen erben one schaden der Geben ist
an sannt urbanns tag
als man Zallt nach Cristi gepurt thusenndt Fünff Hundert fünffzig unnd fünff Jar. x

Rückseite:
25. Mai 1555.

An dieser Haupt suma gelt hat der Erwirdig Herr Jerg schutzer Caplon in der Capell im Oberdorf zu torenbieren
Erlegt und bezalt namlich, 40lbd ann sant Bartolomeus tag anno 1611.
Mer hat dan Herr Jerg disen Brief gar ab gelöst anno 1615

Bernhart Schutzer auf Martini Vlbd